



Republika e Kosovës
Republika Kosova - Republic of Kosovo
Qeveria – Vlada - Government

Ministria e Shëndetësisë - Ministarstvo zdravstva - Ministry of Health
Divizioni i Prokurimit/Divizia Nabavke/Procurement Division

Prishtine datë, 02.11.2023

Zyrtari Përgjegjës i Prokurimit i Ministrisë së Shëndetësisë, në mbështetje të nenit 108/A (paragrafi 10.1) të Ligjit për Prokurimin Publik nr. 04/L-042, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, duke u bazuar në nenin 63 të Rregullores për Prokurim Publik të aprovuara nga Komisioni Rregullativ i Prokurimit Publik, duke vendosur sipas **kërkesës për ri-shqyrtim** të datës **30.10.2023**, të parashtruar nga Grupi i Operatorëve Ekonomik Botek shpk; EDUSOFT; Teched Consulting Services Ltd, lidhur me aktivitetin e prokurimit me titull: **RITENDER “Mirëmbajtja dhe avancimi i sistemit BHIS”** me nr. të Prok: **206-23-571-2-1-1** nxjerr:

V E N D I M

1. **Refuzohet**, si e pa bazuar kërkesa për ri-shqyrtim të Grupit të Operatorëve Ekonomik Botek shpk; EDUSOFT; Teched Consulting Services Ltd e dt. 30.10.2023 lidhur me aktivitetin e prokurimit **RITENDER “Mirëmbajtja dhe avancimi i sistemit BHIS”** me nr. të Prok: **206-23-571-2-1-1** kundër Njoftimit mbi Vendimin e AK të datës 25.10.2023.
2. Mbetet në fuqi Njoftimi mbi Vendimin e AK të datës 25.10.2023;
3. Autoriteti Kontraktues, vazhdon me aktivitetin e prokurimit;
4. Ky vendim hyn në fuqi ditën e nënshkrimit dhe do të publikohet për të gjitha palët në platformën elektronike në adresën: <https://e-prokurimi.rks-gov.net>.

A r s y e t i m

Grupi i Operatorëve Ekonomik Botek shpk; EDUSOFT; Teched Consulting Services Ltd me datë 30.10.2023 ka parashtruar kërkesën për ri-shqyrtim, lidhur me aktivitetin e prokurimit me titull: **RITENDER “Mirëmbajtja dhe avancimi i sistemit BHIS”** me nr. të Prok: **206-23-571-2-1-1**. Autoriteti Kontraktues, me datë 02.11.2023, ka shqyrtuar kërkesën në fjalë si më poshtë:

Dispozitat e LPP-së që supozohet të jenë shkelur nga Autoriteti Kontraktues sipas Grupit i Operatorëve Ekonomik Botek shpk; EDUSOFT; Teched Consulting Services Ltd:

Neni 6 i LPP Nr. 04/L-042 Ekonomiciteti dhe Efikasiteti
Neni 7 i LPP Nr. 04/L-042 Barazia në Trajtim/ Jo- Diskriminimi
Neni 59 i LPP Nr. 04/L-042 Ekzaminimi, Vlerësimi dhe Krahasimi i Tenderëve
Neni 60 i LPP Nr. 04/L-042 Kriteret për Dhënie të Kontratës
Neni 72 i LPP Nr. 04/L-042 Dokumentacioni dhe informacioni shtesë

Deklaratë detale mbi faktet dhe argumentet

Përmes kësaj Kërkese për Rishqyrtim, atakojmë vendimin tuaj të datës 25.10.2023, përmes të cilit kemi anuluar aktivitetin e prckurimit me të dhënat e lartshënuara.

Pavarësisht se ne kemi shtjelluar tani më disa herë këto pretendime tuaja, po i sqarojmë dhe njëherë:

1. Në vendimin tuaj, ju kemi paraqitur një mendim të z. Ozren Pezo. Ne nuk mund ta dijmë si mund të rriret një mendim i një personi të jashtëm, jo kompetent për këtë çështje, kur kemi një mendim të ekspertit kompetent të angazhuar nga OSHP, të cilët konstatojnë se *këto dy sisteme janë të ndërlidhura në mënyrë të ngushtë në mes veti.*

Ne dhe njëherë deklarojmë se qëndrojmë pas pretendimeve tona që kemi deklaruar në ankesën tonë në OSHP, me datë 18.05.2023, se referenca që kemi paraqitur është për projektin HIFIS, dhe i cili ka lidhshmëri të ngushtë drejtpërdrejtë me sistemin informativ shëndetësor.

Pra, përmes sistemit HIFIS plotësohet kushti që i referohet një sistemi të dizajnuar për të menaxhuar në të dhënat shëndetësore, duke përfshirë mbledhjen, ruajtjen, përpunimin, menaxhimin, transmetimin dhe raportimin e të dhënave të nevojshme për përmirësimin e efikasitetit të shërbimit shëndetësor, duke ofruar dosje dixhitale për të gjithë pacientët pavarësisht nivelit të shërbimit shëndetësor të ofruar.

Pra sistemi HIFIS, nuk funksionon i ndarë nga sistemi HIS, prandaj, edhe nuk mund të anashkalohet ndërlidhja e tij me të

Përveq tjerash, në vendimin tuaj ju kemi përmendur dhe institucionet të cilat janë pjesë e niveleve të sistemit shëndetësor në Kosovë.

Në vijim po i paraqesim vetëm tri pika përmes të cilave sistemi HIFIS është i ndërlidhur ngushtë me sistemin shëndetësorë në të gjitha nivelet:

- Përmes ofimit të shërbimit të statusit të pacientit - shërbim i cili përfshin hapin e parë në sistemin shëndetësor, pa këtë sistem nuk ka kuptim në ofrimin e shërbimit në të gjitha nivelet e sistemit shëndetësor.

- Përmes e-Recetes - e cila përmban informacionet që përkruhen nga mjekët në të gjitha nivelet shëndetësore për pacientët që paraqiten. Brenda sistemit HIFIS është sistemi e-Recetë i cili është i sinkronizuar me Farmacitë (Sistemi për Menaxhimin e Stokut Farmaceutik – SMSF) dhe Qendrën Mjekësore – Staf Mjekësor (Sistemi për Menaxhimin e Burimeve Njerëzore HRSMSH).

- Përmes validimit të shërbimeve që ofrohen nga Institucionet Shëndetësore - Ndërlidhja me të gjitha nivelet e sistemit për të ofruar shërbimet shëndetësore dhe validimin e të gjitha shërbimeve shëndetësore duke filluar nga Institucionet shëndetësore, stafi shëndetësor, shërbimet e standardeve ICD 0, etj.

Prandaj, ky konstatim i juaji, i mbështetur dhe në konstatimet e një personi jo kompetent për këtë çështje, tregon dhe njëherë qartë tendencën tuaj që me çdo kusht të rrëzoj ofertën e përgjegjshme, të konzorciumit tonë, që është dhe oferta më e ulët.

2. "AK- gezon te drejten te kerkoj nga OE ne afatin percaktuar ne kete dokument qe te krijoj edhe modulet dhe shërbime shtese pa asnjë kufizim ne kosto, apo afat kohor.

-Pretendimi nga AK Referuar Ofertës tuaj nuk ofrohet kjo mundësi, oferta juaj gjate gjithë kohës ndërlidhet qe do te krijoj Sistem te ri, gjë qe është ne kundërshtim me kërkesën e AK-se dhe nuk mund te pranohet si zgjidhje. Ne ofertë është specifikuar qe AK e gëzon të drejtën te kërkoj nga OE ne afatin percaktuar qe te krijojnë edhe modulet dhe shërbime sh'esë pa asnjë kufizim ne kosto, apo afat kohor".

Përgjigja jonë:

Ky pretendim i AK-së nuk qëndron. Ne nuk kemi dhënë ofertë teknike për krijim të një sistemi të ri, përpos moduleve të reja që janë kërkuar për zhvillim (zhvillimet e reja), kemi dhënë zgjidhjen dhe planin dinamik për kohës që do i krijojmë, ndërsa për sistemin ekzistues jemi zotuar me zgjidhjen që kemi dhënë se do avancojmë (zhvillojmë) sipas kërkesave në dosjen e tenderit dhe do të ofrojmë mirëmbajtjen për 36 muaj (shih rreshtin e fundit të tabelës së Planit Dinamik tek propozimi teknik i mirëmbajtjes dhe avancimit).

3. **Pretendimi i AK: Prioritet 1** "zhvillimi i moduleve te reja jo me vone se 20 dite pune.

- Sipas Ofertës tuaj ju kemi ofruar zhvillim vetëm vitin e parë, gjë qe është ne kundërshtim me kërkesën e AK-se, sipas DT kërkohet qe behet Zhvillim gjate gjithë kohës sipas kërkesë se AK-se. Referuar Kërkesës se AK se tërkohej Avancim dhe mirëmbajtje e sistemit ekzistues pa ndryshuar natyrën dhe metodologjinë gjë qe kjo oferte rezulton me ndryshim nga Objektivi i projektit, ndërsa referuar ofertës tuaj rezulton se kemi ofruar qe sistemi te zhvillohet nga Fillimi gjë qe është ne kundërshtim te plote me kërkesën e AK-se pasi modulet ekzistuese vetëm janë ne përdorim dhe nga te njëjtët ofrohen shërbime pa ndërprerë, andaj nga MSh nuk është kërkuar qe te ndryshoi sistemi, kjo është e Specifikuar edhe tek qëllimi i projektit "Mirëmbajta dhe Avancim e zgjidhjes ekzistuese". Referuar Ofertës Teknike nder te tjera kemi deklaruar se do te ofroni një sistem softuerik... gjë qe është ne kundërshtim te plote me kërkesat e AK-se dhe dëshmon qartë se OE nuk ka ofertuar për Mirëmbajtjen dhe Avancimin e këtij sistemi mirëpo me qëllimin e krijimit te një Sistemi te Ri, kjo gjë me detajisht është e qartësuar ne faqe 48 tek Propozimi Teknik i ofertës se OE.

Referuar ofertës suaj përkatësisht faqe 62 dhe 63 vërehet qartë se ju nuk do te avancoji sistemin siç është përshkruar ne dosje te tenderit, pasi referuar Planit dinamik ne faqe 63, ku potencohet se do te ofroj mirëmbajtje 36 muaj dhe nuk do te ofroj avancim ne zgjidhjen ekzistuese, andaj plani dinamik i propozuar dëshmon një gjë te tillë".

Përgjigja jonë:

Edhe ky pohim i AK-së nuk qëndron. Ne nuk kemi dhënë zgjidhje për zhvillim vetëm për 20 dite pune dhe as nuk kemi ofertuar për krijimin e një sistemi të ri. Ne kemi dhënë oferten per zhvillime, avancime dhe mirembajtje te sistemit ekzistues per 36 muaj sipas kërkesave në dosjen e tenderit.

Sa i perket pretendimit të AK-së se ne kemi deklaruar se ofrojme sistem softuerik, "... tjera kemi deklaruar se do te ofroni një sistem softuerik..." ne baze edhe te cilit pretendim kanë ardhur ne perfundim se ne do te ofrojme sistem te ri, nga faqja 48 e zgjidhjes tone teknike, Ky pretendim i AK-së eshte i pavertet dhe tendencioz. Ne ne faqen 48 te 7. Propozimi Teknik dhe Plani i mirembajtjes BHIS, flasim per Mirembajtjen dhe procesin e mirembajtjes, dhe jo per zhvillimin e nje sistemit te ri.

Nga faqja 49, Mirëmbajtja:

Gjatë kësaj periudhe, Kontraktuesi do të identifikoj dhe zgjidhë problemet për të siguruar funksionimin adekuat të sistemit. Kontraktuesi duhet të ofroj një sistem softuerik, efektiv për lajmërimin dhe monitorimin e zgjidhjes së problemeve eventuale.

Gjatë kësaj periudhe, Grupi i Operatorëve Ekonomik deklaron se do të identifikoj dhe do të zgjidhë problemet për të siguruar funksionimin adekuat të sistemit. Grupi i Operatorëve Ekonomik do të ofroj një sistem softuerik, efektiv për lajmërimin dhe monitorimin e zgjidhjes së problemeve eventuale.

Pra në mënyrë që të ofrojmë mirëmbajtje më efektive për lajmërimin dhe monitorimin e zgjidhjes së problemeve eventuale, ashtu sic e keni kërkuar ju decidivisht në dosjen e tenderit faqe 24 e dosjes së tenderit, ne do të kemi një sistem softuerik për Mirembajtje, dhe kjo nuk ka të bëjë fare me vetë Aplikacionin e BHIS.

Pjese nga faqja 24 e dosjes së tenderit:

13. Mirëmbajtja

Kontraktuesi do të sigurojë mbështetje dhe mirëmbajtje pas lançimit të suksesshëm të çdo pjese të sistemit, për atë kohë sa posedon Kontrate Aktive. Gjatë kësaj periudhe, Kontraktuesi do të identifikoj dhe zgjidhë problemet për të siguruar funksionimin adekuat të sistemit. Kontraktuesi duhet të ofroj një sistem softuerik, efektiv për lajmërimin dhe monitorimin e zgjidhjes së problemeve eventuale. Operatori Ekonomik është i detyruar të sigurojë një prezencë fizike kur është e nevojshme për të eliminuar ndonjë mangësi apo parregullsi të sistemit.

Bashkangjitur, si provë keni Excel Fajllin me titull "Plani i realizimit të projektit BHIS sipas kërkesave.xlsx" që e keni të inkuorporuar në propozimin teknik referuar ofertës sonë përkatësisht faqeve 62 dhe 63 vërehet qartë nuk qëndron se ne nuk do të avancojmë sistemin siç është përshkruar në dosje të tenderit, por edhe referuar Planit dinamik në faqe 63 mund të vëreni në planin dinamik në Excel Fajll të zhvillimeve, avancime dhe mirëmbajtjes, se çdo fazë në kuadër të 36 muajve është konform dosjes së tenderit si në vijim:

PLANI DINAMIK I REALIZIMIT DHE MIRËMBAJTJES SË PROJEKTIT "Mirëmbajtja dhe avancimi i sistemit BHIS":

1. Nën-sistemi i pranimit: (Avancim dhe Mirëmbajtje) 10 muaj, vazhdon pastaj me ngjyrë të gjelbërt mirëmbajtja deri në fund të projektit pas zhvillimit dhe avancimeve për muajt e mbetur deri në përfundim të 36 muajve sa do të zgjatë projekti/kontrata.
2. Nën-sistemi i shërbimeve shëndetësore (Avancim dhe Mirëmbajtje) 36 muaj me me ngjyrë të verdhë në Excel fajll.
3. Nën-sistemi i shërbimeve të infermierisë (Avancim dhe Mirëmbajtje) 36 muaj me me ngjyrë të verdhë në Excel fajll.
4. Nën-sistemi i administrimit të sistemit (Avancim dhe Mirëmbajtje) 36 muaj me me ngjyrë të verdhë në Excel fajll.
5. Nën-sistemi i faturimit (Avancim dhe Mirëmbajtje) 36 muaj me me ngjyrë të verdhë në Excel fajll.
6. Nën-sistemi i raportimit (Avancim dhe Mirëmbajtje) 36 muaj me me ngjyrë të verdhë në Excel fajll.
8. Nën-sistemet shtesë (Zhvillimi dhe Mirëmbajtje) Të gjitha Nën-sistemet shtesë (Faqe 22 dhe 23 në dosjen e tenderit) do të zhvillohet pasi të gjitha këto module të specifikohen në detaje gjatë implementimit të sistemit në bashkëpunim me Departamentin e SISH për të vazhduar zhvillimin e sistemit pas versionit të parë, siç është kërkuar në dosjen e tenderit brenda periudhës së kontratës 36 mujore.

9. Sistemi i raportimeve - Inteligjenca e biznesit (Avancim dhe Mirëmbajtje) 36 muaj me ngjyre të verdhë në Excel fajll.

10. Mirëmbajtja e sistemit (mirëmbajtja do të ofrohet për 36 muaj për sistemin ekzistues, për të gjitha avancimet e moduleve dhe nën-sistemet dhe modulet dhe nën-sistemet e reja të zhvilluara), referojuni ngjyrës së gjelbër në Excel fajll për 36 muaj mirëmbajtje për tërë sistemin ekzistues dhe modulet e krijuara që do zhvillohen të reja dhe avancimet.

Prandaj, bazuar në këto pika që tanimë veçm se janë shtjelluar disa herë, ne konstatojmë se vendimi juaj për anulim të procedurës së prokurimit është i paligjshëm dhe në kundërshtim me parimet ligjore të LPP-së, rregulloret në fuqi dhe vendimit të Panelit Shqyrtues të OSHP-së, psh nr 2023/0282.

Prandaj, kë-kojmë nga ju që të anuloni njoftimin B58 Njoftimin mbi Vendimin e Autoritetit Kontraktues të datës 25.10.2023, dhe lëndën ta ktheni në rivlerësim, duke respektuar dhe vendimin e Panelit Shqyrtues të OSHP-së, psh nr 2023/0282.

Dëmet materiale

Humbja e fitimit të parashikuar nga kontrata, pamundësia për pjesëmarrje të barabartë në aktivitet të prokurimit.

Pergjigjia e Autoriteteit Kontraktues ne lidhje me pretendimin Ankimore

Ne lidhje me pretendimin e pare rreth mendimit te dhene nga eksperti z. Ozren Pezo, ju njoftojme se bazuar ne Vendimin e OSHP-se nr. 282/23 te dates 13.09.2023, ne paragrafin e trete faqe 11 eshte potencuar si ne vijim:

Lidhur me dy çështjet e ngritura si më sipër, paneli shqyrtues ka arritur në konstatimin se nuk ka qenë e mundur deri tek arritja e vendosjes përfundimtare për faktin se përveç mangësisë argumentuese nga ana e AK-së lidhur me eliminimin e OE ankues mbi këto pika, po ashtu duke u nisur pesha e argumenteve, sqarimeve dhe fakteve të paraqitura nga palët janë konsideruar si të mangëta e po ashtu me përmbajtje kundërtë në parim, andaj PSH konstaton se gjatë procedurës së rivlerësimit lidhur me këto pika obligohet AK që të vërtetojë edhe njëherë në mënyrë me të detajuar dhe të arsyetuar, **goftë edhe nga një palë e tretë, në aspektin teknik se a përmbushen këto kritere nga ana e OE ankues plotësisht**, kështu duke qartësuar situatën në aspektin teknik në mënyrë që të arrihet në një konkludim të qartë të mbështetur në analiza profesionale.

Bazuar ne këtë konstatim te PSH te OSHP-se, MSh ka kërkuar ekspertize nga z. Ozren Pezo dhe kemi marre sqarimet e prezantuara ne Raportin e Vleresimit dhe Letren standarde per tenderuesin e eliminuar te dt. 25.10.2023.

Duke marre parasysh se ne Njoftimin per Kontrate dhe ne Dosje te Tenderit, te Kërkesat mbi mundësitë teknike dhe/ose profesionale, është kërkuar:

Kërkesa 1. *“Operatori Ekonomik duhet të ketë përvojë në zhvillimin dhe implementimin e të paktën 1 (një) projekti për Health Information System, për të paktën njërin nga nivelet e shëndetësisë”*

Gjate rivlerësimit kemi kërkuar opinion ligjor te Departamenti Ligjor i MSh-se dhe prej tyre kemi pranuar përgjigjen me shkrim me nr. protokoll 05-6593/2 te datës 24.10.2023, ku është sqaruar se Fondi i Sigurimeve Shëndetësore nuk i takon ndonjërit nga nivelet e shëndetësisë, siç është kërkuar ne kriterin e NJK dhe DT.

Përgjigja me shkrim nga Departamenti Ligjor i MSh-se është si ne vijim:

Ne lidhje me kërkesën tuaj të datës 18.10.2023 nr.prot-6593, bazuar ne Ligjin Nr. 04/L-125 për shëndetësi llojet e institucioneve shëndetësorë parashihen ne nenin 17. Sipas neni 17 paragrafi 1 janë përcaktuar llojet e institucioneve në sistemin shëndetësor të Republikës së Kosovës janë të njëjta në sektorin: publik, privat, dhe publiko-privat.

Paragrafi 2 i nenit 17 parasheh Institucionet e nivelit parësor të kujdesit shëndetësor e që janë:

1. Qendra kryesore e mjekësisë familjare me njësitë përbërëse të përcaktuara me aktin nën-ligjor të nxjerrë nga Ministria;

Ne paragrafin 2 numërohen Institucionet e nivelit dytësor të kujdesit shëndetësor të cilat janë:

1. Spitali i përgjithshëm dhe special me njësitë përbërëse të përcaktuara me aktin nën-ligjor të nxjerrë nga Ministria;
2. Poliklinika specialistike;
3. Ambulanca specialistike
4. Ambulanca stomatologjike
5. Qendra e shëndetit mendor me Shtëpinë për integrim në bashkësi;
6. Qendra e transfuzionit të gjakut;
7. Qendra e rehabilitimit fizikal dhe klimatik;
8. Qendra e mjekësisë sportive;
9. Qendra e mjekësisë së punës;
10. Qendrat rajonale të shëndetësisë publike.
11. Qendra për rehabilitimin e të dëgjuarit dhe të folurit.

Kurse Institucionet e nivelit tërësor të kujdesit shëndetësor janë:

1. Qendra klinike universitare;
2. Qendra klinike universitare stomatologjike;
3. Instituti kombëtar i shëndetësisë publike;
4. Qendra kombëtare e mjekësisë së punës;
5. Qendra kombëtare e mjekësisë Sportive;
6. Qendra kombëtare e transfuzionit të gjakut;
7. Qendra kombëtare e telemjekësisë.

Gjithashtu Barnatoret janë institucione shëndetësore që funksionojnë në të tri (3) nivelet e kujdesit shëndetësor.

Ligji Nr. 04/L-125 për shëndetës e përkufizon Fondin e Sigurimit Shëndetësor si institucion i sigurimit publik shëndetësor me cilësi të personit juridik që ka të drejta, obligime, përgjegjësi dhe autorizime të përcaktuara me ligj të veçantë.

Po ashtu, sipas Ligjit Nr. 04/l -249 për sigurimin shëndetësor, Fondi i Sigurimeve Shëndetësore është institucionin publik i sigurimit shëndetësor me statusin e personit juridik me të drejta, obligime, përgjegjësi dhe autorizime të veçanta për zbatim të këtij ligji në emër të siguruarve përfshirë mbledhjen efektive të mjeteve financiare për ofrimin e shërbimeve të kujdesit shëndetësor nga institucionet shëndetësore në të gjitha format e pronësisë.

Sa i përket pretendimeve ne lidhje me aspektet teknike qe ndërlidhen me zhvillimin e moduleve dhe avancimin e sistemit për 36 muaj, te gjitha sqarimet janë trajtuar me herët dhe janë pjese e lendes me arsyetimet si ne vijim:

AK- gëzon te drejtën te kërkoj nga OE ne afatin përcaktuar ne këtë dokument qe te krijoj edhe modulet dhe shërbime shtese pa asnjë kufizim ne kosto, apo afat kohor. - Referuar Ofertës se OE-se nuk ofrohet kjo mundësi, OE ne fjale gjate gjithë kohës Ndërlidhet qe do te krijoj Sistem te ri, gjë qe është ne kundërshtim me kërkesën e AK-se dhe nuk mund te pranohet si zgjidhje. Ne ofertë është specifikuar qe AK e gëzon të drejtën te kërkoj nga OE ne afatin përcaktuar qe te krijojnë edhe modulet dhe shërbime shtese pa asnjë kufizim ne kosto, apo afat kohor.

Prioritet 4 – zhvillimi i moduleve te reja jo me vone se 20 dite pune. - Sipas Ofertës OE ka ofruar zhvillim vetëm vitin e pare, gjë qe është ne kundërshtim me kërkesën e AK-se, sipas DT kërkohet qe behet Zhvillim gjate gjithë kohës sipas kërkesë se AK-se, referuar Kërkesës se AK-se kërkohet Avancim dhe mirëmbajtje e sistemit ekzistues pa ndryshuar natyrën dhe metodologjinë gjë qe kjo oferte rezulton me ndryshim nga Objektivi i projektit, referuar Ofertës se OE rezulton se te njëjtit ofrojnë qe sistemi te zhvillohet nga Fillimi gjë qe është ne kundërshtim te plote me kërkesën e AK-se pasi modulet ekzistuese vetëm janë ne përdorim dhe nga te njëjtët ofrohen shërbime pa ndërprerë, andaj për MSh nuk është kërkuar qe te ndryshoi sistemi, kjo është e Specifikuar edhe tek qëllimi i projektit "Mirëmbajta dhe Avancim e zgjidhjes ekzistuese".

Referuar Ofertës Teknike OE nder te tjera ka deklaruar se do te ofroj një sistem softuerik... gjë qe është ne kundërshtim te plote me kërkesat e AK-se dhe dëshmon qartë se OE nuk ka ofertuar për Mirëmbajtjen dhe Avancimin e këtij sistemi mirëpo me qëllimin e krijimit te një Sistemi te Ri, kjo gjë me detaisht është e qartësuar ne faqe 48 tek Propozimi Teknik i ofertës se OE.

Referuar ofertës se OE përkatësisht faqe 62 dhe 63 vërehet qartë se OE nuk do te avancoi sistemin siç është përshkruar ne dosje te tenderit, pasi referuar Planit dinamik ne faqe 63, ku potencohet se do te ofroj mirëmbajtje 36 muaj dhe nuk do te ofroj avancim ne zgjidhjen ekzistuese, andaj plani dinamik i propozuar dëshmon një gjë te tille.

Bazuar ne sqarimet e lartcekura, pretendimet e juaja ankimore jane te pa bazuara.

Zyrtari Përgjegjës i prokurimit bazuar ne ato që u thane më lart ka vendosur si ne dispozitiv.

Këshilla juridike:

Kundër këtij vendimi, ankuesi mund të paraqesë ankesë pranë OSHP-së. **Ankesa prane OSHP-se duhet te dorezohet brenda 10 (dhjete) diteve pas pranimit te ketij vendimi.**



Berat Marmullaku

Zyrtari përgjegjës i Prokurimit